

**KERATAN AKHBAR-AKHBAR TEMPATAN**  
**TARIKH: 19 JUN 2016 (AHAD)**

Bil	Tajuk	Akhbar
1.	Negara perlu lebih inovatif hadapi persaingan global	Berita Harian

→ INOVASI

# Negara perlu lebih inovatif hadapi persaingan global

[FOTO AZHAR RAMLI/BH]



Bidang sains teknologi beri nafas baharu kepada ekonomi

Oleh Haryani Ngah  
aryani@bh.com.my

Kuala Lumpur

Malaysia tidak boleh lagi kekal melakukan urusan seperti biasa sebaliknya per-

lu memberi penekanan kepada kemahiran teknologi dan lebih inovatif bagi menghadapi saingan dari negara lain yang semakin maju dalam bidang itu.

Menteri Sains, Teknologi dan Inovasi, Datuk Seri Madius Tangau, berkata negara perlu mewujudkan suasa inovasi atau ekosistem inovatif untuk kekal bersaing dalam mencapai matlamat 2020.

"Kita kena sedar untuk memberi nafas baharu kepada ekonomi negara, teknologi dan inovasi adalah kunci yang dapat menyerlahkan baik dalam kalangan rakyat Malaysia.

"Sains teknologi dan inovasi menjadi kunci utama pada masa depan.

"Bidang bioteknologi, nanoteknologi, kemahiran, pengkomersialan percetakan 3D dan robotik adalah teknologi terkini yang semakin mendapat perhatian dalam kalangan masyarakat," katanya dalam ucaptama pada pelancaran Siri Ceramah Kepimpinan U-Shos Universiti UCSI, semalam.

Siri ceramah bertemakan 'LEAD-novate the Future' bermaksud Meneraju dan Menginovasi Masa Hadapan menampilkan pembicara terkenal yang akan berkongsi kepakaran mengenai kepimpinan bertujuan menerapkan nilai kepimpinan yang kukuh dalam kalangan pemimpin muda seluruh negara.

Madius (kiri) menyampaikan Anugerah Eksklusif 'The Malaysia Top 10 Most Innovative Young Leaders Award 2016' kepada Pengasas Incitemen, Zikry Khalil pada pelancaran Siri Ceramah Kepimpinan U-Shos Universiti UCSI di Kuala Lumpur, semalam.